



Communicaziun a las medias

Di dal Pled rumantsch 2017 tar RTR

Cuira, ils 14-12-2017 – **Ensemen cun il public tschertga Radiotelevision Svizra Rumantscha (RTR), ils 18 da december 2017, il pled rumantsch da l'onn. Tschertgadas vegnan dentant era set parts d'ina istorgia. Questas parts èn zuppadas en differentas regiuns grischunas.**

L'emprima classa secundara da Savognin scriva cun sia scolasta Zegna Pittet-Dosch in'istorgia curta che cuntogna ils Pleds rumantschs dals ultims onns. Questa istorgia vegn dividida en set parts u chapitels e zuppada en divers vitgs ora en las regiuns grischunas. Mintg'ura tradeschan trais chavazzins al Radio Rumantsch in nov zup – quai mintgamai la bun'ura a las 6.00 fin mezdi a las 14.00. Auditurs ed audituras che chattan in chapitel da l'istorgia dals pleds pon telefonar en il studio dal Radio Rumantsch e preleger quella part. A la fin è l'istorgia puspè cumpletta, d'udir en plirs idioms e da leger online.

Il public decida cun in voting online

Quest onn è la giuria dal pled rumantsch vegnida sminuida da tschintg sin trais personas. Persuenter po il public sa participar a la decisiun dal pled rumantsch cun in voting online. La giuria per il pled rumantsch 2017 sa cumpona d'Anna Alice Dazzi, linguista RTR, Anita Capaul, manadra da la Chasa editura rumantscha e Gion Nutegn Stgier, schurnalist da l'Agentura da novitads rumantscha. Questas personas elegian or da tut ils pleds inoltrads ils top5 e quels van lura en il voting online. Tant la giuria sco era il public han ina cumpart da 50% tar l'elecziun dal Pled rumantsch 2017.

Propostas per il Pled rumantsch 2017 pon vegnir inoltradas enfin ils 18 da december 2017 a las 11.00 cun il formular sin la pagina d'internet www.rtr.ch ubain per telefon sin il numer 081 255 79 00 (en funcziun il di da l'acziun a partir da las 06.00).

Program dal Pled rumantsch 2017:

Radio Rumantsch: glindesdi, ils 18 da december, durant l'entir di

Online: www.rtr.ch/pledumantsch2017

Dapli infurmaziuns:

Radiotelevision Svizra Rumantscha, Via da Masans 2, 7000 Cuira

Marina Morgenthaler, referendaria sponsoring ed events | tel. 081 255 75 75 | e-mail: marina.morgenthaler@rtr.ch